

Darko Maletić: Proslavio sam gol i posvetio ga publici na Bilinom polju

09/06/2011 13:36 by Administrator

Presjekao sam jednu loptu i kao "brzi voz" prešao put od našeg do Albanskog gola! Misimović me je uposlio u pravom trenutku i vjerovatno očekivao povratnu loptu za šut, ali ja sam na trenutak zastao i razmislio.

Proletilo mi je kroz glavu da bi albanski štoper mogao presjeći pas i odlučio sam da je bolje sebi no slavu preuzeti na sebe, nego...

Utakmica "biti ili ne biti" za fudbalsku reprezentaciju BiH uspješno je okončana, a jedan od onih koji će posebno pamtiti trijumf protiv Albanaca na Bilinom polju svakako je Darko Maletić. Sjajni 30-godišnjak "turbo" veznjak iz Banjaluke, kojeg su već proglasili "džokerom" sa klupe selektora Sušića, svojim golom skratio je muke Albancima i potvrdio pobjedu od 2:0. Ovo mu je bio prvi pogodak u dresu reprezentacije, iako je Maletić dio "zmajeva" još od Muzurovićeve ere, a munjevitim prodorima po desnoj strani ranije je "sijao strah" kod Norvežana, Turaka... Puno je važnih golova postigao u Partizanu, Rapidu, briljantnim partijama doprinijeo šampionskoj tituli Borca, ali 15 minuta na Bilinom polju i posljednji pogodak Maletiću će ostati u posebnom sjećanju...

- Presjekao sam jednu loptu i kao "brzi voz" prešao put od našeg do Albanskog gola! Misimović me je uposlio u pravom trenutku i vjerovatno očekivao povratnu loptu za šut, ali ja sam na trenutak zastao i razmislio. Proletilo mi je kroz glavu da bi albanski štoper mogao presjeći pas i odlučio sam da je bolje sebi no slavu preuzeti na sebe, nego rizikovati Sušićev bijes - našalio sa Maletić na početku razgovora za "San Sport". Ušao je na teren u 73. minuti i samo jednim prodorom oduševio više od 10.000 navijača u Zenici, koji su ga od radosti "rastrgali" nakon završetka meča.

- Proslavio sam gol i posvetio ga publici na Bilinom polju, posebnom i neosvojivom stadionu, na kojem je zadovoljstvo igrati. Bio sam sretan, a i sad se osjećam fenomenalno, iako pomalo iscrpljen od svega i hronično neispavan! - rekao je Maletić, koji nije stigao slaviti pobjedu sa saigračima iz reprezentacije, jer je morao odmah krenuti za Banjaluku.

- Ne postiću se golovi za reprezentaciju svaki dan, pa supruga i roditelji nisu mogli čekati, nego su me odmah zatrpali SMS porukama - istakao je Maletić.

Čest mu je igrati u dresu reprezentacije, a uvijek daje 100 posto od sebe na terenu, bez obzira o kakvoj se utakmici radi.

- Najdraže od svega mi je što smo nastavili niz nepobjedivosti u Zenici, a posebno zbog selektora Sušića, kojem nije bilo lako ovih dana. Sada imamo tri mjeseca da se spremimo za okršaje sa Bjelorusima, od kojih uopšte ne treba strahovati. Vrata barača su nam širom otvorena - naglasio je Maletić. Raduje se odmoru u kojem će uživati narednih desetak dana.

- Prvo sam planirao "skoknuti" do Beograda, da završim neke privatne stvari. Poslije ću obavezno na more, vjerovatno negdje na Jadran. Moram malo "rasteretiti glavu", prije nego se vratim u Banjaluku na pregovore. Lijepo je pomoći najdražem klubu, ali istekao mi je ugovor sa Borcem i ne vjerujem da ću im pomagati i u Ligi prvaka. Želim još koju godinu odigrati u inostranstvu - zaključio je Maletić za "San Sport" i tako najavio odlazak, mada još uvijek nema konkretnih ponuda na stolu. BLIN MAGAZIN/tg

Izvor vijesti: BLIN MAGAZIN